

29 October 2004

## **INFORMASAUN IKUS UNIDADE KRIME GRAVES NIAN**

### **FILE SCU AKUZASAUN FOUN RUA: OHO MEMBRU STAF UNAMET NAIN RUA IHA ATSABE NO AKUZASAUN VIQUEQUE.**

**Iha loron 29 fulan Outubro 2004 Unidade Crimes Graves submitte akuzasaun foun rua akuza ema nain 10 ho Krime Kontra Humanidade. Akuzasaun ida akuza ulun boot nain hitu husi forsa military no milisia ho krime todan, inklui oho, tortura, deportasaun nebe luan no estraga riku soin halo iha Distrito Viqueque iha tinan 1999. Akuzasaun Segundo akuza ema nain tolu ho oho ema nain rua nebe servico ba elisaun iha Distrito Ermera iha loron konsulta popular loron 30 fulan Agosto 1999.**

### **OHO EMA NAIN RUA NEBE SERVICIO BA ELISAUN IHA 1999**

Akuzasaun ne'e alega katak Segundo Tenente Mohamad Roni no soldadu TNI Joao da Costa no Domingos De Deus maka involve iha planu no koordena atake ne'e iha Baboe Leten fati elisaun nian iha Sub Distrito Atsabe Distrito Ermera, husi Forsa Nasional Indonesia ka TNI no membrus milisia Tim Pancasila, iha loron 30 Agosto 1999, iha loron votasaun iha Timor Leste. Resultado husi atake ne'e maka hanesan oho Joao Lopes no Orlando Gomes no tenta atu oho Alvaro de Deus Lopes, membru staf UNAMET hotu nebe servico ba Administrasaun Elisaun nian.

Mohamad Roni mak DANRAMIL TNI (Comandante Militar Sub Distrito) husi Atsabe no Joao da Costa, Domingos De Deus sira nain ruma soldadu servico iha KORAMIL Atsabe (Comando Militar Sub Distrito) sai hanesan comandante milisia Tim Pancasila. Surat kapturasaun halo tiha ona hasoru Mohamad Roni no Joao Da Costa nebe to'og agora lahatene sira nia hela fatin.

### **AKUZASAUN VIQUEQUE**

Akuzasaun ida ne'e fokus ba Krime nebe soldadu TNI sira halo, Makikit no milisia 59/79 Junior haleu iha vila Viqueque durante 1999. Akuzasaun ne'e ninia tarjet ba ulun boot forsa militar no milisia nebe fiar katak sira toma responsabilidade boot konaba krime sira iha Distrito neba.

Akuzasaun Viqueque ne'e akuza, akuzado sira hotu ho krime kontra humanidade oho, tortura, deportasaun ka muda hodi obriga, no persekusaun. Akuzadu hamutuk ho TNI nain 2 komandanti military Distritu Viqueque nia, Tenenti Kornel Djoko Soeharsoyo no tenenti Kornel Gustaf Heru, Komandanti Forsa Especial (KOPASSUS) Distritu nia, Alferis Minton, Xefe Sesaun intelijensia Kodim nia [Kasi Intel], Alferis Yusuf Tandj, soldadu sesaun intelijensia ida, serjentu Andreas Prawin, Komandanti Milisia Makikit nia no Administratdor [Bupati] Viqueque, Martinho Fernandes, no ninian asistanti ida, Emiliano Joaquim Gomes, ne'ebe hanesan mos vise komandanti Milisia Makikit nia.

Akuzasaun ne'e keixa katak Krimi ne'ebe halao iha Viqueque tuir modelu violensia ne'ebe halao iha fatin seluk iha Timor Leste tomak duranti tinan 1999, ne'ebe halao ba ema apoianti independensia sira nia. Liu-liu krimi ne'ebe keixa hamutuk ho ema nain 3 ne'ebe oho iha fulan Maio tinan 1999 tuir kedas iha seremonia Inagurasaun milisia

Junior 59/75 no oho ema apoianti Independenti nain 3 seluk iha fulan Agustu tinan 1999 antis votasaun ba konsulta popular. Akuzasaun ne'e keixa katak ema sira ne'ebe oho ne'e hamutuk ho sira ne'ebe akontese iha Distritu Viqueque, ne'ebe hatudu hodi influencia populasaun Viqueque atu vota ba integrasaun hamutuk ho Indonesia no disturba serbisu apoianti ba Independensia nia. Tuir anúnsiu resultadu konsulta popular nian, infraestrutura Fizika no rezidensia iha Distritu Viqueque TNI ho Milisia sira sunu no muda sai populasaun ho forsa. Akuzadu nain hitu ne'e sei levre hela, no fiar katak sira iha Indonesia.